

LE PETIT JOURNAL

L'heβδο local de l'Aude

Du jeudi 2 au mercredi 8 novembre 2023 - Numéro 839 - 1,50€

Al solelh d'Òc

Aucèls, lapins e salvatgina

Aucèls, lapins e salvatgina : tal es lo tèma del seisen volum de l'*Història de la cuina catalana i occitana* de Vicent Marqués, paregut en aquesta debuta de tardor. Coma de costuma, l'autor valencian ajusta, a las recèptas dels airals occitans e catalans, d'informacions literàrias, lingüísticas, istoricas e etnologicas. Una granda riquesa de sabers populars e de saupre-faire culinars dins las 900 paginas de l'obratge.

La lectura es pas brica recomandada als vegetarians ! Traparetz doncas recèptas d'adòbas (singlar), de tiron, d'aucas (a l'ast, amb castanhas, farcida, rostida,...) e de gabres, d'aucelons a la brasa, de bartavèlas, de becadas, de bacafigas, de blanquetas (de polet, de guit), de cabiròl, de calandretas e lausetas, de

calhas (a la fuèlha de vinha, amb de rasims, amb de giròlas o d'escarabissas,...), de capons, de colombs, de conilhs, mas tanben de còrbs e corpatasses, d'isards e singlar, de piòts e piòtas, de faisans, de gals (al vin,...) e de galinas, de pois e polardas, de grivas (tordres), de pincardas, de lapins e conilhs, de lèbres (reiala, en cabeçal, al forn, a la brasa, a la caçòla, al vin, a l'ast,...), de palombas, de perdises e de perdigals, de tridas e de tortoras,... e mai susprenent : recèptas d'esquiròls, d'eiricòns (mèfi a las picas !), de marmòtas, de passerats,...

Benlèu que vendretz especialistas de salmi : de bartavèlas, de lausetas, de japarèls, de palombas, de coas negras, de cotolius, de siblaires, de tiron, de pola d'aiga, de ramièrs...



Lèbre a l'ast ; flambador - Grèits : D Aveyron

Lo gal de Nadal

Se l'auca o la piòta son vengudas lo plat requisit de Nadal, dins lo temps èra puslèu la festa del gal : « *Per Nadal, rics e paures manjan gal* » e « *Per Nadal, gals e capons* ». Un poèta insistís e conta : lo gal canta per Nadal ; crença pas d'èsser mortal ; plora pas, es

pas trist : sap qu'es venguda l'ora de morir per Jèsus-Crist !

Se procurar lo libre

Se passatz per Perpinyà, traparetz lo libre a la *Llibreria catalana* o lo podètz comandar a l'editor : edicionsidilla.cat

• Lèbre a l'ast ; flambador
D.C.